



Ina posiziun davart il tractament dals dents senza in'anestesia tar chauns e giats

Autors: Alex Reiter (USA), Ana Nemeč (SLO), Bob Partridge (UK), Dea Bonello (I), Gottfried Morgeneegg (CH)

Malsognas en la bucca (cumprais malsognas dals dents e malsognas parodontalas) appartegnan als problems da sanadad ils pli frequents e relevants dals animals da chasa. In tractament effectiv è in element impurtant da la prevenziun sanitaria. In'examinaziun dals dents professiunala ed in nettegiament dals dents minuzius (allontanar il tartagl e pulir ils dents) èn parts essenzialas dal tractament.

La tastga parodontala (sulcus gingivalis) è il sectur il pli impurtant per l'examinaziun e sto vegnir pulida a fund. Ella è situada sut l'ur da la schunschiva che circumdescha ils dents. Il tessi parodontal sensibel, che collia ils dents cun la missella, po vegnir ferì levamain. Quai po manar a dolurs e perfin ad ina perdita dals dents. Per allontanar il tartagl dovr'ins instruments gizz e/u in scaler d'ultrasun che vegn sfradentà cun in radi d'aua. Pitschens moviments betg controllads dal chau durant il tractament pon ferir levamain il tessi parodontal. Il nettegiament sut l'ur da la schunschiva è adina dischagreabel. Cura che persunas laschan allontanar il tartagl, è ina collavuraziun vulida senza in'anestesia pussaivla. Animals da chasa senza in'anestesia vegnan percenter strusch a star quiets durant il tractament.

Ina simpla allontanaziun dal tartagl sur l'ur da la schunschiva n'è ni effectiva, ni gida ella a cumbatter malsognas dals dents. I sa tracta damai d'in tractament cosmetic per ch'ils dents vesian ora meglier. En pli survegnan ils possessurs ina fiduzia ed ina segirezza faussa che pon chaschunar donns, perquai ch'in tractament effectiv tras in veterinari vegn retardà.

Ins po diagnostigar bleras malsognas da la chavorgia da la bucca mo cun agid d'in tractament cumplet en l'anestesia generala. Tschertas parts da la chavorgia da la bucca na pon gnanc vegnir examinadas senza in'anestesia. Intginas furmas temprivas da tumors da la chavorgia da la bucca èn vesaiplas mo, sche l'animal è narcotisà. Ina diagnostica retardada po avair per consequenza che la terapia da la malsogna è pli difficila u tut tenor betg pli pussaivla. Ins po diagnostigar bleras malsognas da la chavorgia da la bucca mo cun far ina radiografia. Però era quel tractament è pussaivel mo cun in'anestesia generala.

In proceder d'anestesia modern cun ina surveglianza adeguata maina ad in fitg pitschen ristg ineliminabel. Ils avantatgs d'in tractament dals dents e d'in tractament parodontal predomineschan dentant. L'intubaziun protegia il pacient cunter in'inhalaзиun da particlas dals dents e dal tartagl e cunter l'aerosol contaminà da bacterias che sa furman durant il tractament dals dents.

Resumaziun:

Tractaments dals dents senza in'anestesia

- na pussibiliteschan nagin tractament cumplet da la chavorgia da la bucca e pon avair per consequenza diagnosas essenzialas vegnan manchentadas u fatgas memia tard
- na pussibiliteschan nagin nettegiament cumplet ed effectiv dals lieus subgingivals ils pli impurtants
- pon chaschunar donns vi dal tessi che collia ils dents cun la missella
- pon manar a dolurs, malessers e/u stress tar ils animals



www.evds.org



- pon savens retardar la tgira effectiva e minuziusa da la chavorgia da la bucca
- pon vegnir chapids per sbagli sco vairs tractaments, fin ch'ils possessurs vegnan fatgs attents a las proceduras inadequatas e potenzialmain privlusas

Questa posiziun è vegnida publitgada en accord cun las suandantas societads:

SSVD (Swiss Society of Veterinary Dentistry)

EVDC (European Veterinary Dental College)

EVDS (European Veterinary Dental Society)

BVDA (British Veterinary Dental Association)

19-12-2013